


ԳՆՈՒՄ ԵՆՔ ԹԱՆԳԱՐԱՆ



CAFESJIAN
CENTER FOR THE ARTS

ԲՈՎԱՆԴԱԿՈՒԹՅՈՒՆ

Եթե ԱԼԵՔՍԱՆԴՐ ԹԱՄԱՆՅԱՆԸ ԶԵՉ ՆԱՄԱԿ ԳՐԵՐ	4
ԹԱՆԳԱՐԱՆ... ԻՍԿ ԻՆՉ Է ԴԱ	6
ՋԵՐԱՐԴ Լ. ԳԱՖԷՍԾԵԱՆԸ ԵՎ «ԳԱՖԷՍԾԵԱՆ ԸՆՏԱՆԻՔ» ՀԻՄՆԱԴՐԱՄԸ.....	8
ԻՆՉՊԵՍ ԴԻՏԵԼ ԱՐՎԵՍՏԻ ԳՈՐԾԸ.....	9
ԹԱՆԳԱՐԱՆԱՅԻՆ ՎԱՐՔԱԳԻԾ	10
ԿԱՍԿԱԴԻՑ ԱՆԲԱԺԱՆ	12
ԲՆՈՒԹՅՈՒՆ ԵՎ ԱՐՎԵՍ	26
ՇԱՐԺՈՒՄ.....	40
ԳՈՒՅՆ, ՁԵՎ, ՆՅՈՒԹ.....	54
ԱՐՎԵՐՍ, ԹԵՐ	82
ԱՐՎԵՍ ԵՎ ՄԱՐՄԻՆ.....	90



ՋԵՐԱՐԴ Լ. ԳԱՖԵՍՏԵԱՆԸ ԵՎ «ԳԱՖԵՍՏԵԱՆ ԸՆՏԱՆԻՔ» ՏԻՄՆԱԴՐԱՄԸ

Դու հավանաբար գոնե մեկ անգամ մտածել ես, թե ինչու է մեր արվեստի կենտրոնը կրում Գաֆեստեան ազգանունը:

Ջերարդ Լ. Գաֆեստեանը (1925-2013) ամերիկահայ մեծ գործարար և բարեգործ էր, որը բնակվում էր Ամերիկայի Միացյալ Նահանգներում: Նա միշտ մտածում էր իր հայրենիքի մասին և ցանկանում էր մի բարի բան անել Հայաստանի համար:

Եվ ահա նա ստեղծում է «Գաֆեստեան ընտանիք» հիմնադրամը, որի միջոցով իրականացնում է արվեստի մի առանձնահատուկ կենտրոն ունենալու երազանքը, կենտրոն, որտեղ հայերը կկարողանային տեսնել արվեստի այնպիսի հետաքրքրաշարժ, գունագեղ և յուրօրինակ նմուշներ, որոնք կարելի էր հանդիպել աշխարհի ամենազարգացած երկրներում:

Հենց Ջ. Գաֆեստեանի շնորհիվ է արվեստի կենտրոնն արդեն ավելի

քան 10 տարի գեղեցկացնում Երևանի սիրտը: Մեծ բարերարն իրականացրել է արվեստի միջոցով հայաստանցիների կյանքում նոր լույս տարածելու իր նպատակը:

Ջերարդ Գաֆեստեանի առաքելությունը շարունակում է դուստրը՝ Քեթլին Գաֆեստեան-Բարադարանը՝ «Գաֆեստեան ընտանիք» և «Գաֆեստեան Թանգարան» հիմնադրամների հոգաբարձուների խորհրդի նախագահը:


Ի դեպ, այս գրքում շատ կհանդիպես ԳԱԿ հապավմանը: Դա նշանակում է

- Գ** աֆեստեան
- Ա** րվեստի
- Կ** ենտրոն:

Հնագույն ժամանակներում, երբ դեռ չկային մեզ ծանոթ մեխանիկական և էլեկտրոնային ժամացույցները, մարդիկ արևի օգնությամբ էին հետևում ժամանակին՝ արևային ժամացույցների միջոցով: Նման ժա-

մացույցներ մինչ այժմ էլ պահպանվել են վանքերի ու տաճարների պատերին:

Շատրվաններից մի քանիսը հիշեցնում են մեծ **արեգակնային** ժամացույցներ:



Առյուծ արքան ու մոտոցիկլը

Հաստատ կուզես իմանալ, թե ինչ կապ ունեն այս երկուսն իրար հետ:

Քանդակագործներն իրենց քանդակների համար ընտրում են տարբեր նյութեր՝ քար, մետաղ, փայտ և նույնիսկ սառույց: Կորեացի քանդակագործ Ջի Յոնգ-Հոն իր քանդակների համար ընտրել է շատ յուրահատուկ մի նյութ՝ մոտոցիկլի անվադող: Բայց ինչո՞ւ հենց այս տարօրինակ

նյութը: Բանն այն է, որ անվադողերի արտադրությունը և հետագայում անպիտան դարձած և աղբանոցներում հայտնված անվադողերի այրումը մեծ վտանգ է բնության համար:

Ջի Յոնգ-Հոն իր քանդակներով երկու կարևոր խնդիր է լուծում և՛ պահպանում է, և՛ գեղեցկացնում շրջակա միջավայրը:



Ջի Յոնգ-Հոն (ծնվ. 1978), Հարավային Կորեա
«Առյուծ 2», 2008
Զժանգոտվող պողպատ, ապակի,
օգտագործված անվադողեր

Պարտեզի առաջին բնակիչը

Կոլումբացի ամենահայտնի արվեստագետ Ֆերնանդո Բոտերոյի քանդակները կարելի է տեսնել աշխարհի տարբեր քաղաքներում՝ Բարսելոնայում, Մադրիդում, Սինգապուրում, Մայամիում, Նյու-Յորքում, Երուսաղեմում, իսկ 2002 թվականից՝ նաև Երևանում: Բոտերոյի «Կատուն» ԳաֆԷսեճան քանդակների պարտեզի ամենաառաջին «բնակիչն» է: Հետագայում հեղինակի ևս 2 քանդակ է տեղադրվել պարտեզում:

Դժվար է չսիրել մեր թմբլիկ կատվին իր անմիջականությամբ, դուրս հանած լեզվով, կկոցած աչքերով ու չարանճի հայացքով:

Կլորավուն, չափազանցված ծավալաձևերով աշխատելու այս ոճը, որն օգտագործում է Ֆերնանդո Բոտերոն, կրում է հեղինակի անունը և կոչվում է «բոտերիզմ»:

👁️ Տե՛ս նաև
Բոտերոյի մյուս
քանդակը, Էջ 64:

Ֆերնանդո Բոտերո
(ծնվ. 1932), Կոլումբիա
«Կատուն», 1999
Բրոնզ



Մի՞րգ. թե՞ թռչուն

Շատերը կարծում են, որ այս քանդակի հերոսը պինգվին է, բայց ոչ. սա կիվի թռչունն է: Դիտողին երևի շփոթեցնում է նրա պայծառ, բաց կապույտ գույնը: Իրականում կիվին ունի շագանակագույն փամփիլի մազածածկույթ: Ի դեպ, կիվի միրգն իր անունը ստացել է այս թռչնի հետ արտաքին նմանության շնորհիվ:

Մեր Կիվիին ստեղծել է քանդակագործ Պիտեր Վոյտուկը, որը հաճախ իր մեծ քանդակներում պատկերում է կենդանիների, հատկապես թռչունների:

Կապույտ Կիվին, որն իր երկարավուն կտուցով օդում բռնել է գնդակը,

չա՛տ երկար ճանապարհ է կտրել-անցել Երևան հասնելու համար: Նա սկզբում Նյու Յորք քաղաքի մետրոյի կայարաններից մեկի մուտքի մոտ էր և ամեն օր ուրախացնում էր աշխատանքի շտապող մարդկանց: Արդեն երկար ժամանակ է, ինչ քանդակը զարդարում է մեր պարտեզն ու հիացնում այցելուներին:



Պիտեր Վոյտուկ (ծնվ. 1958), ԱՄՆ
«Կիվի», 2011
Այլումին



ՄԻՍԵՐԻՄ




Տիեզերքում ամեն բան շարժման մեջ է: Մեր մոլորակը պտտվում է, ու նրա վրա գոյություն ունեցող ամեն ինչ շարժվում է, այդ թվում՝ մենք:

Երբևէ փորձե՞լ ես շարժում պատկերել:

Բազմաթիվ նկարիչներ ու քանդակագործներ իրենց առջև դրել են շարժում պատկերելու խնդիրը, որն այնքան էլ հեշտ չէ. նրանք ասես փորձում են կանգնեցնել ժամանակը:

Կան նաև քանդակներ, որոնք շարժվում են: Դրանց անվանում են կինետիկ քանդակներ:




Օլիմպիական շիերը

Օլիմպիական խաղեր, Մեծ Բրիտանիա, ծիու պայտ... Տեսես ի՞նչ կապ ունեն այս երեքն իրար հետ:

Այս սլացիկ, հսկա ձիերի հեղինակը բրիտանացի ինքնու ջանդակագործ Թոմ Հիլն է: Մոտ 500 ձիու պայտ իրար միացնելով՝ նա ստեղծել է այս քանդակը՝ պատկերելով կենդանի-

ների թռչքի պահին: Օլիմպիական ձիերը 2012 թվականին զարդարում էին Լոնդոնում անցկացվող Օլիմպիական խաղերի ձիասպորտի մարզադաշտը, ապա՝ Անգլիայի թագուհու նստավայրը, իսկ այժմ՝ Գաֆեյսեան քանդակների պարտեզը:



Թոմ Հիլ (ծնվ. 1986)

Մեծ Բրիտանիա

«Օլիմպիական ձիեր», 2012

Գավանացված և ներկված պայտեր, պողպատե պատվանդաններ

Չույգ-պույգ՝ դեմի տաղան

Աստվածաշնչում կա մի պատմություն այն մասին, որ Աստված, տեսնելով, որ մարդկանց չարությունը շատացել է երկրի վրա, որոշում է նրանց պատժել: Մի ազնիվ մարդ կար՝ Նոյ անունով, որը միշտ հավատարիմ էր Տիրոջը: Աստված նրան պատվիրում է մի մեծ տապան կառուցել և այնտեղ տեղավորել իր գերդաստանը, ինչպես նաև բոլոր կենդանիներից մեկական զույգ: Եվ երբ Աստված ջրով է ծածկում երկիրը, ողջ են մնում միայն տապանի բնակիչները:


Դորա Դե Լարիոսն իր կավե քանդակում պատկերել է Նոյյան տապանը, դեպի ուր պարուրաձև շարժումով բարձրանում են կենդանիները՝ զույգերով: Նոյն իր մեծ ու բարի աչքերով վերևից հետևում է կենդանիների ընթացքին:

Դորա Դե Լարիոս


(1933-2018), ԱՄՆ

«Նոյյան տապան», մոտ 1962

Ջնարակապատ խեցեղեն




Գունազարդիր լուսինները քո
նախընտրած գույներով:



ՆՅՈՒԹ

Արվեստի բոլոր գործերը, որոնք մենք տեսնում ենք ու շոշափում, ստեղծվում են որևէ նյութից: Յուրաքանչյուր արվեստագետ ինքն է որոշում ինչ նյութով աշխատել: Ամեն նյութ ունի իր առանձնահատկությունը: Այն կարող է լինել փափուկ կամ կարծր, հարթ կամ խորդուբորդ, ծանր կամ թեթև, բնական կամ արհեստական:

Արվեստագետն ազատ է ընտրության հարցում, կարող է ընտրել ցանկացած, նույնիսկ՝ ամենաանսպասելի նյութ՝ քար, փայտ, կտավ, թուղթ, ջրաներկ, մետաղ, ապակի, ջուր և այլն: Նյութը նաև շատ կարևոր է հասկանալու համար, թե ինչ տեխնիկա է կիրառել արվեստագետը այս կամ այն աշխատանքը ստեղծելիս. օրինակ՝ նկարի պիտակի վրա կտեսնես գրված «կտավ, յուղաներկ», ինչը նշանակում է, որ հեղինակն այդ նյութերն է օգտագործել իր ստեղծագործության համար:



Թեյատեր փխսիկը



Քեթրին Լաբունտեն դեռ մանկուց սիրում էր մուլտիերոսներին և հաճախ կրկնօրինակում նրանց: Երբ մեծացավ, սկսեց հորինել իր սեփական զվարճալի հերոսներին, իսկ թուղթն ու մատիտը փոխարինեց ապակիով, չնայած դրանով աշխատելը շատ բարդ է:

Իր ապակե քանդակներում նա հիմնականում պատկերում է կենդանիների, հատկապես սիրում է

Քեթրին Լաբունտե (ծնվ. 1980), Կանադա
«Մեկ բաժակ թեյ», 2012
Ապակի

կատուններին: Նրան նույնիսկ կատունների դիզայներ են անվանում:

Մեկ բաժակ թեյ առաջարկող մեր կատուն թեյնիկ է, բայց այնքան փոքր է ու նուրբ, որ այդ չափի թեյնիկով հագիվ մի փխսիկ կարողանա թեյ խմել:



Դիլեր Սկոֆիդիո և Ռենֆրո, ԱՄՆ

Սվարովսկի
«Լուսագուլպաներ», 2009

Սվարովսկի բյուրեղներ,
ցանցանյութ


Գույտաներ, որ շեռ կարող հագնել

ԳաֆԷսճեան արվեստի կենտրոնում ջահերի մի ամբողջ մեծ ցուցադրություն կա, որի նյութը «Սվարովսկի» ընկերության բյուրեղապակին է: «Լուսագուլպաների» հեղինակները «Դիլեր Սկոֆիդիո և Ռենֆրո» ամերիկյան դիզայներական ընկերության դիզայներներն են: Գուլպաներ հիշեցնող ցանցերի մեջ տասնյակ

բյուրեղներ են, որոնք հատուկ լուսավորման շնորհիվ ավելի են փայլում:

Սվարովսկի բյուրեղապակուց նաև պատրաստում են զարդեր, քանդակներ, հագուստ և այլ կենցաղային լրամասեր:

Գունավորի՛ր «Գաֆէսճեան բլուրեղապակյա աշտարակը»
քո Նախընտրած գույներով:



Մադագասկարցի ալիգատորները

Այս երեք ալիգատորները քարացած փայտից փորագրել է մադագասկարցի անհայտ մի փայտագործ:

Քարացած փայտը հաճախ անվանում են բնության քանդակ: Երբ փայտը թաղվում է հողի տակ և գրկվում թթվածնից, հանքանյութերով հարուստ ջուրը նրա բջիջներում առաջացնում է հանքաքարեր, հիմնականում կվարց: Ժամանակի

ընթացքում օրգանական հանքանյութերը ոչնչանում են, և նախկին փայտը վերածվում է փայտի տեսքով քարի:

Քարացած փայտ ստանալու համար պահանջվում է մոտ 100 տարի: Աշխարհի շատ վայրերում կան քարացած փայտի անտառներ: Այս քանդակի փայտը ձեռք է բերվել Մադագասկարից:

Անանուն, Մադագասկար
«Ալիգատորներ», 20-րդ դար
Քարացած փայտ



Ծիծաղով լուսնադարձություն

Աշխարհահռչակ արվեստագետ Յուլի Միլեռը հաճախ իր քանդակների ու սկզբների հերոսներին պատկերում է ծիծաղելիս: Միշտ չէ, որ այդ կերպարները ուրախությունից են ծիծաղում. երբեմն դա պաշտպանական ծիծաղ է: Ամբողջ ատամնաշարն ի ցույց դնող կեր-

պարները, որոնց հաճախ կարելի է տեսնել Միլեռնի աշխատանքներում, հենց արվեստագետի ինքնապատկերներն են:

Միլեռնի այս քանդակը վերնագիր չունի: Իսկ դու ի՞նչ վերնագիր կդնես:

Յուլի Միլեռն (ծնվ. 1962), Չիկագոյի
«Անվերնագիր», 20-րդ դար
Չժանգոտվող պողպատ

